

BOSNA I HERCEGOVINA  
FEDERACIJA BOSNE I HERCEGOVINE  
HERCEGOVAČKO NERETVANSKA ŽUPANIJE/KANTON  
OPĆINSKI SUD U ČAPLJINI  
BROJ: 053-0-SU-26-000274  
ČAPLJINA, 21.04.2026. godine

Na temelju odredbi članka 31. Zakona o sudovima („Službene novine F BiH“, broj 38/05, 22/06, 63/10, 72/10, 7/13, 52/14 i 85/21), u postupku provođenja Zakona o zaštiti osobnih podataka („Službeni glasnik BiH“, broj:12/25), predsjednica Općinskog suda u Čapljini, dana 21.4.2026. godine donosi:

#### PRAVILA PRIVATNOSTI

Cilj Politike privatnosti Općinskog suda u Čapljini (u daljem tekstu: Sud) je da u skladu sa članom 68. Zakona o zaštiti osobnih podataka (u daljem tekstu: Zakon), svim osobama čije osobne podatke Sud obrađuje u okviru postupaka koje provodi, uz izuzetke propisane posebnim zakonom, pruži informacije o obradi njihovih osobnih podataka na transparentan način.

Politika privatnosti se primjenjuje na sve osobne podatke koje Sud prikuplja, upotrebljava ili na drugi način obrađuje, direktno ili putem svojih partnera, trećih osoba.

Osobni podatak je svaki podatak koji se odnosi na fizičku osobu čiji je identitet utvrđen ili se može utvrditi.

Obrada osobnih podataka je svaki postupak ili skup postupaka koji se obavlja na ličnim podacima ili na skupovima osobnih podataka, automatiziranim ili neautomatiziranim sredstvima kao što su prikupljanje, evidentiranje, organizacija, strukturiranje, čuvanje, prilagođavanje ili izmjena, pronalaženje, ostvarivanje uvida, upotreba, otkrivanje prijenosom, širenjem ili stavljanjem na raspolaganje na drugi način, usklađivanje ili kombiniranje, ograničenje, brisanje ili uništavanje.

Kontrolor podataka je fizičko ili pravno lice, javni organ ili nadležni organ koji samostalno ili sa drugim određuje svrhe i sredstva obrade osobnih podataka.

Nadležni organ je organ koji je nadležan za sprječavanje, istragu i otkrivanje krivičnih djela, gonjenje učinilaca krivičnih djela ili izvršenje krivičnih sankcija, uključujući i zaštitu i sprječavanje prijetnji javnoj sigurnosti, kao i pravna lica ako su zakonom ovlaštena za obavljanje ovih poslova kao posebna kategorija.

## **1. Podaci o kontroloru podataka**

Općinski sud u Čapljini, Ruđera Boškovića 5, 83000 Čapljina, Tel: +387 36 806 115 , Faks: +387 36 806 350

Službenik za zaštitu osobnih podataka, Tel: +387 36 806 115

E-mail: [opsud-capljina@pravosudje.ba](mailto:opsud-capljina@pravosudje.ba)

## **2. Svrha i pravni osnov za obradu osobnih, podataka**

### **Stvarna nadležnost**

Općinski sud u Čapljini prema članu 27. Zakona o sudovima u Federaciji BiH (Sl. novine FBiH broj: 38/05 i 22/06) stvarno je nadležan:

### **U krivičnim predmetima da u prvom stupnju sudi:**

- za krivična djela za koja je zakonom propisana kao glavna kazna novčana kazna ili kazna zatvora do 10 godina, ako -posebnim zakonom nije određena nadležnost drugog suda;
- za krivična djela za koja je posebnim zakonom određena nadležnost općinskog suda;
- za krivična djela za koja je Sud Bosne i Hercegovine prenio nadležnost na općinski sud;
- u svim krivičnim postupcima protiv maloljetnika;
- da postupa tokom istrage i nakon podizanja optužnice u skladu sa zakonom;
- da odlučuje o vanrednim pravnim lijekovima kad je to zakonom predviđeno;
- da odlučuje o brisanju osude i prestanku mjera sigurnosti i pravnih posljedica osude, na osnovu sudske odluke i
- da postupa po molbama za pomilovanje u skladu sa zakonom.

### **U građanskim predmetima da u prvom stupnju sudi:**

- u svim građanskim sporovima
- u vanparničnom postupku

### **U privrednim predmetima općinski sudovi koji imaju privredna odjeljenja u prvom stupnju sude:**

- u sporovima koji se odnose na prava i obaveze po osnovu pravnog prometa roba, usluga, vrijednosnih papira, vlasničkih i drugih stvarnih prava na nekretninama, te na prava i obaveze proistekle iz vrijednosnih papira u kojima su obje stranke u postupku pravno lice ili fizičko lice koje, u svojstvu samostalnog poduzetnika ili u drugom svojstvu, obavlja privrednu ili drugu registriranu djelatnost u vidu osnovnog ili dopunskog zanimanja;
- u sporovima koji se odnose na brodove i na plovidbu na moru i unutrašnjim vodama, te u sporovima na koje se primjenjuje plovidbeno pravo, osim sporova o prijevozu putnika;
- u sporovima koji se odnose na avione, te u sporovima na koje se primjenjuje zrakoplovno pravo, osim sporova o prijevozu putnika;

- sporove iz autorskog prava, srodnih prava i prava industrijske svojine;
- sporove nastale povodom djela za koja se tvrdi da predstavljaju nelojalnu konkurenciju ili monopolistički sporazum;
- privredne prijestupe i
- u postupku stečaja i likvidacije, u skladu sa zakonom, kao i u svim sporovima koji nastanu u toku i povodom provođenja postupka stečaja i likvidacije.

#### **U drugim predmetima:**

- da vodi izvršni postupak, ako zakonom nije drugačije određeno;
- da određuje mjere osiguranja, ako zakonom nije drugačije određeno;
- da rješava u posebnim postupcima, ako zakonom nije drugačije određeno;
- da obavlja zemljišno-knjižne poslove u skladu sa zakonom;
- da pruža pravnu pomoć sudovima u Bosni i Hercegovini;
- da vrši poslove međunarodne pravne pomoći, ako zakonom nije određeno da neke od tih poslova vrši županijski sud;
- da vrši poslove upisa u registre pravnih lica i
- da vrši druge poslove određene zakonom

#### **Mjesna nadležnost**

Općinski sud u Čapljini prema članu 23 i 23 a. Zakona o sudovima u Federaciji BiH (Sl. novine FBiH broj: 38/05 i 22/06) mjesno je nadležan za:

- krivični,
- građanski,
- vanparnični,
- izvršni i
- prekršajni referat

Općinski sud u Čapljini mjesno je nadležan za područje Grad Čapljina, Grad Stolac, Općine Neum i Općine Ravno.

#### **3. Vremenski period čuvanja osobnih podataka**

Vaše lične podatke Sud obrađuje u vremenskom periodu koji je potreban da se ispuni svrha njihove obrade. Nakon prestanka svrhe u koju su prikupljeni, vaši lični podaci više se ne koriste, ali se čuvaju u arhivi onoliko vremena koliko obavezuju zakonski propisi o arhivskoj građi.

#### **4. Tehničke i organizacione mjere zaštite osobnih podataka**

Vaše lične podatke Sud obrađuje na način kojim se osigurava odgovarajuća sigurnost i povjerljivost kao i odgovarajuća primjena principa zakonite obrade osobnih podataka te

smanjenje količine osobnih podataka po principu neophodnosti. Poduzete su fizičke, tehničke i organizacione mjere zaštite osobnih podataka, koje su propisane Planom sigurnosti osobnih podataka. Svi zaposleni u Sudu potpisali su izjave o povjerljivosti osobnih podataka kojima pristupaju.

#### **5. Koja su Vaša prava u vezi sa obradom osobnih podataka?**

Vaša prava, uz izuzetke propisane posebnim zakonom, su:

- pravo na pristup svojim osobnim podacima;
- pravo na ispravku osobnih podataka;
- pravo na brisanje osobnih podataka i
- pravo na prigovor.

Za ostvarivanje svojih prava možete se obratiti Sudu pisanim putem ili putem elektronske pošte na naprijed naznačenu adresu. Ako ste nezadovoljni postupkom Suda možete se obratiti nadležnom nadzornom organu Agenciji za zaštitu ličnih podataka [www.azlp.ba](http://www.azlp.ba) ili tužbom nadležnom sudu.

#### **6. Prijenos osobnih podataka drugim kontrolorima podataka, prijenos osobnih podataka u inozemstvo**

Vaše osobne podatke Sud može dati drugim kontrolorima ukoliko je to potrebno za izvršavanje zakonom propisanih obaveza. Također, vaše podatke Sud neće prenositi drugim kontrolorima u inostranstvu, osim ukoliko takva obrada nije neophodna na osnovu zakona ili međunarodnog ugovora koji ga obavezuje. Vaše osobne podatke Sud daje pružateljima informatičko-komunikacionih usluga sa kojima je zaključio ugovor i koji poštuju pravila postupanja sa ličnim podacima.

#### **7. Korištenje kolačića i objava sadržaja na web stranici**

Objavljivanje sudskih odluka/presuda i informativnog sadržaja na web stranici suda vršit će se u skladu sa zakonima F BiH, poštujući princip transparentnosti rada sudova, uzimajući u obzir javni interes, pravo na zaštitu privatnosti i zaštitu osobnih podataka, te zaštitu interesa maloljetnika, svjedoka i oštećenog. Na našoj službenoj internetskoj stranici [Općinski sud u Čapljini | pravosudje.ba](http://Općinski sud u Čapljini | pravosudje.ba) koriste se obavezni, odnosno tehnički kolačići (cookies). Ti kolačići su male datoteke koje omogućavaju ispravan rad internet mjesta i ne možemo ih isključiti, te za njihovo korištenje ne trebamo vašu suglasnost. Obavezni kolačići ne pohranjuju nikakve informacije koje bi vas mogle identificirati.

#### **8. Promjene Politike privatnosti**

Sud će redovno ažurirati Politiku privatnosti kako bi ista sadržavala točne informacije. O svim izmjenama i dopunama bit ćete blagovremeno informirani u skladu sa principom transparentnosti.



PREDSJEDNICA  
EMILIJA ZRNIĆ